

目 录

第一编 韶晦时期

民国前二十五年至民国十二年（1887—1923年）……（1）

第二编 黄埔训练时期

民国十三年至十四年（1924—1925年）……（153）

第三编 北伐开始时期

民国十五年（1926年）……（502）

附录（一）民国十五年以前之蒋介石先生例言……（883）

（二）民国十五年以前之蒋介石先生跋……（883）

第一编 韬晦时期

民国前二十五年至民国十二年

(1887—1923年)

★民国纪元前二十五年，清光绪十三年，
丁亥（西历一八八七），公一岁。

*公以九月十五日未时，诞生于武岭玉泰盐铺内之祖宅，乃祖玉表公命名曰瑞元。是年，距太平天国之亡二十三年，安南割于法国二年。

*总理时二十二岁，肄业香港雅丽医学校，始图倾覆满清。

民国纪元前二十四年，清光绪十四年，
戊子（西历一八八八），公二岁。

民国纪元前二十三年，清光绪十五年，
己丑（西历一八八九），公三岁。

是年三月 清西太后那拉氏罢临朝，德宗始听政。
吴兴戴传贤生。

民国纪元前二十二年，清光绪十六年，

庚寅（西历一八九〇），公四岁。

是岁除夕 公忽发奇想，欲测知己口至会厌深度，戏以箸探之。既入不得出，晕绝，经医救治始苏。昧旦，王太夫人曰：孙儿恐已哑乎？公在梦中跃起曰：孙能言，不哑。闻者大笑。

民国纪元前二十一年，清光绪十七年，

辛卯（西历一八九一），公五岁。

民国纪元前二十年，清光绪十八年，

壬辰（西历一八九二），公六岁。

是年 始入蒙馆，馆师为任介眉。公幼时好耍甚，门临清溪，常出游泳，山洪暴至，险遭灭顶。去冬见檐下缸结坚冰，圆明如镜，喜极，耸身捞取之，倒植其底，几冻死。王太夫人忧之，故未五岁，即送入塾读书。

民国纪元前十九年，清光绪十九年，

癸巳（西历一八九三），公七岁。

公知识稍开，喜舞玩刀棒，呼召邻舍子，效军队战斗状，自为大将，部署群儿指挥之，或高视阔步，指天画地，登坛说故事，以为戏。

是年秋 总理此游天津，上书于李鸿章。

八月 清廷准出使大臣薛福成奏请，弛除海禁。

民国纪元前十八年，清光绪二十年，

甲午(西历一八九西)，公八岁。

是年春 改从塾师蒋谨藩，读《大学》、《中庸》毕。

十月二十四日 玉表公卒，享年八十有一，葬于村北之石罅
舂幡竿丘，邵元冲作传。

〔民国七年四月公追述事略曰：曾大父祁曾公，长子曰斯生公，仲子曰斯水公，玉表公序居其季，讳斯十，德配大母徐太夫人，其准公之女子子也。生子二，长曰在昭公，次曰肃庵公。仲大父斯水公无子，遗命以世昭公为其后。孙四人，周良、周清出自世昭公，锡侯与中正，出自肃庵公。以伯大父斯生公无孙，遗命以锡侯继肇余公，为斯生公后。而中正独奉玉表公祭祀云。吾族自任杰公迁居锦溪以来，子孙世世力勤稼事，敦崇礼让，胜清三百年间，未有一人求通仕籍者。至公以货殖起家，兼居权盐鹾，生计日渐饶裕，性慈善，待人以恕，而教子孙则严，衣布茹素，耽好内典，能辨晰其宗派，尝手钞贝编若干种，今皆散佚不可得而见也。公体魄老益强，其歿之前一年，尚携中正往深山竹林，憩法华寺，讽经礼佛。是时，中正年仅七龄，跳舞下坡，忘其所以，失足堕阮谷，破伤右额，血流注不止，公痛惜无所措，乃裹鲜药为之医，俄而疮痕平复，归来吾母未之觉，及告以状，深为之异。中正少善病，公临床诊视，甚至终夕不寐，如吾母今日之抚育纬儿者。故中正疾，多赖公手而得愈，至今吾母追念不能忘。锦溪为宁、绍、台三属汇集之要冲，溪北有庵，名曰武岭，行旅熙来攘往，于此焉少息，饥弗得食，渴弗得饮，公怜其疲乏，乃施茶给食以济之，凡六七年。亲友有婚丧不举缓急相告者，必履其所求而去。乡中饰庙、构祠、开道、筑堤，诸公共建设，捐输靡

所吝，赶赴若不及。盖其得力于佛学者深，而博爱之旨趣，充然溢乎事境如此也。云云。】

秋 总理赴美洲檀香山，创立兴中会。

五月 朝鲜内乱，清遣兵援之，七月，与日本宣战，陆海军皆败。旅顺口、威海卫相继陷。

民国纪元前十七年，清光绪二十一年，

乙未（公历一八九五），公九岁。

是春 公复从任介眉，读四子书完。任待蒙徒非常酷虐，六月间染疫死。王太夫人仍聘蒋谨藩为塾师。

七月初五日 戌时，肃庵公卒。孙洪伊、胡汉民为之传，朱大符、汪兆铭志其墓。〔朱大符《蒋肃庵先生墓志铭》曰：吾友蒋子中正为余言曰：吾九岁而丧父，今凡二十年，未尝须臾忘吾父未殁时之言也。吾父之歿也，吾母王太君在侧，吾父顾吾及幼妹指谓吾兄曰，尔弟妹幼，吾死后尔母必哀痛不自胜，尔年长，其能尽孝致友以慰吾心耶。吾兄承涕自任，乃瞑。呜呼，痛哉！吾父性刚直，处事公，接物以诚，容貌毅重，自持勤俭，其所以训亦若是。方吾始就傅时，吾父引而训之曰，吾少承先人业，不克服劳于国，然犹翼于乡党施教育，矫去敝俗。今者吾当尽力，使亲族敦睦，闾閻无惊，而尔辈得一意读书，异日倘有所成，亦可稍补吾憾也已。暨晚岁，则爱吾兄弟逾【愈】切，而督责之亦愈严。今吾父葬未有志也，子蜀为之铭。大符自得交蒋子，方相期以节行，读蒋子所记肃庵先生事略，知其思深沉而行勇决有来自矣，不敢辞，谨彙记。先生讳肇聪，字肃庵，世居浙江奉化之锦溪，经营盐业。当清道光、咸丰间，太平天国兵起，全浙残破，百业皆废，蒋氏家亦中毁，时先生与兄世昭先生，皆仅十数龄耳。既而浙少定，先生稍壮，承父命复治盐业，振乏起匮，废者皆举数年而复其初，闾里亦新宁矣。顾锦溪人喜讼，讼辄不休，先生以为是非不可以已者

也，遇有欲讼者，悉力弥之，即有真不平者，倾资助之，使必胜，较者
德焉。故讼日减而奸非自绝。自先生之歿，乡人有讼兴，父老往往相
与叹息，言曰，肃庵先生在，不至是也，其泽施入人深久且不忘若
是。自先生与盐业于颓败之余，乡人皆知先生能，每有约议，非先生
言不决。乡人立社于锦溪之左，曰武山，有田产甚丰，主之者固以为
奸利，纷不可治。乡中考硕议，谓非先生不能理斯社也。坚要任社
首，三请而先生来之允，乃至持社公主，就先生家祀之，得诺乃已，
先生卒治其社，数年，产倍于初。诸所为乡党公共尽力者，皆类是，
而尤致力于义塾，士贫不克学者，皆资助之，所育成者甚众。大符惟
今世人，往往自治其业而饶，其治公共之业则亏，其愿者独善其身，
乃避事不任，故事系属于乡邑者，类弛萎不可语，俗益偷，国与俱
蹶。夫传以见义不为为无勇，若先生者，可谓勇于为善者矣。而其
所以训子者，一何澹然不自满也。盖内行备者，不必身试之于事功，
而泽之积也，必有所宣。今蒋子从总统孙逸仙先生，光复中华，
志行动当世，而益厉于学，于先生之所志，庶几无缺乎。先生之
卒也，以民国前十五年七月五日，年五十四。初娶徐氏，生子锡
侯、女瑞春，而卒；继娶孙氏，无子，卒；又娶王氏，生子中正、
瑞青，女瑞莲、瑞菊。锡侯为邑名诸生，中正为陆军少将，瑞
春适同邑宋式仓，瑞莲适同邑竺芝珊，瑞青、瑞菊幼殇。孙三人，
国桢、经国、纬国，皆幼读。锡侯、中正既以民国二年三月三十
一日，葬先生于锦溪村北桃坑山之右巔。谨属比勒铭，铭曰，志匡
国家，泽在乡土，子承其德，业光于祖，松楸百年，精爽万古。
中华民国七年八月，朱大符撰。】

正月二十七日 总理在港成立兴中会干部。

三月 清廷与日本议和，承认朝鲜为独立国，割台湾、辽东，
赔兵费二百兆两，订立马关条约。〔逾月，俄、德、法迫日本归
我辽东，增偿兵费三十兆两。〕

八月 总理进行第一次革命，约期举事广州。九月十日，清
吏侦破机关查获械弹，陆皓东、丘四、朱贵全被捕遇害。

民国纪元前十六年，清光绪二十二年，

丙申（西历一八九六），公十岁。

公仍从蒋谨藩读，至戊戌冬止，凡阅三年半。蒋师尝谓王太夫人曰，令郎天资颖异，他日必成大器，汝节操贞洁，天固有以报也。

是年十月十一日 总理蒙难于伦敦，幽禁中国驻英使馆，凡十三日。以香港医校教员英人康德黎营救，得释出。

民国纪元前十五年，清光绪二十三年，

丁酉（西历一八九七），公十一岁。

公少时承王太夫人命，待客脩觞必使至醉，客或举粗饌，急掣其箸使不得下，或即撤去，卧具亲自拂拭，其天性慷慨已如此。

民国纪元前十四年，清光绪二十四年，

戊戌（西历一八九八），公十二岁。

是年 公读诗经卒业，间习古文辞，学作制艺。

三月二十三日 未时，公弟瑞青亡，仅四龄耳。王太夫人怜其幼慧，哭之恸。葬于石鱗岙祖塋左旁百余步。〔后王太夫人欲勿殤，冥配王氏女，命以公长子经国嗣。〕

正月 总理在伦敦以考察欧洲政治、经济、民俗之心得，确定三民主义、五权宪法为中国革命方针。

二月 清廷与德国订租借胶州湾条约。

三月 俄国要求订租借旅顺、大连湾条约。

四月 英国要求订租九龙条约，五月，又徇英国要求订租借

威海卫条约。

四月 清德宗锐意变法，向用康有为等，至八月，西太后那拉氏以其逼，再临朝，幽帝于瀛台，黜新政，杀党人，康有为逃日本，组织保皇党。

八月 清廷命直隶按察使袁世凯，以侍郎候补，专办练兵事宜。世凯极意扩张势力，北洋军阀始此。

是冬 清廷始派北洋学堂、南洋公学等学生，赴日本留学。

民国纪元前十三年，清光绪二十五年，

己亥（西历一八九九），公十三岁。

是年 嵊邑姚宗元设帐于葛溪溯源堂〔公外家王氏祖祠〕，公往就学，受读尚书。尝作竹诗，应声成一望山多竹，能生夏日寒二句，姚师深赞赏。平时对公诸舅曰，汝甥悟力非常，若教养得法，前程岂可限量。一日革命先进竺绍康，骑马造馆，坐【与】姚师剧谈，公注视良久，觉其气貌堂皇，神若有异，并爱其所乘马，牵至野外放牧，百般戏弄，马怒号，竟为猛冲，背咬出血而仆地。夏月放假归，入门，见王太夫人，未开言，即嚎啕大哭，越时声益凄。自此每遇外出，辄泪眼尽赤，哀动邻舍。王太夫人亦避入隔房泣，少顷，复出，勉以努力上进，始就道。远离至一二十里以外，犹暗自哽咽。寡母孤儿之情景，其可怜也若是。

尝有一黄脸相者，每年来乡，必过公家，摸公脑部而自念曰，吾未见如此骨相，咄咄，此孩殊奇特。如是不止一二次，后忽不至。王太夫人常形容其状态，以资谈柄云，

十月 清廷与法使订租借广州湾条约。

10日，孙中山改任蒋为大本营行营参谋，直属孙领导，但他又以“参佐军务，不为人惊，反遭齟齬”，“拂面辞职”。当时，蒋介石看到孙中山与苏俄关系日益密切，为了进一步捞取政治资本，觉得必须赴俄一行。孙中山这时也急于了解苏俄的革命情况，8月初即任他为“孙逸仙博士代表团”团长，赴俄考察，9月2日，蒋介石一行抵达莫斯科，曾在莫斯科、列宁格勒等地进行参观访问。但由于蒋介石对苏俄社会主义制度格格不入，11月19日即离俄回国。蒋介石通过这次考察，既下定决心吸取苏俄建党建军的经验，也坚定了其反苏反共的意向。因此，他回国后只写了一个《游俄报告》寄给孙中山，并没有立刻到广州向孙中山汇报考察苏俄的详细情况，而是兼程回乡为其母亲做“冥寿”。^①“息影慈庵”，与孙中山进行讨价还价。

1924年1月20日，孙中山在广州召开中国国民党第一次全国代表大会，改组国民党。会前，蒋介石赶到广州，向孙中山提出反对联俄、联共的建议。孙中山没有采纳他的意见，大会确立了联俄、联共、扶助农工三大政策。24日，大会还正式决定创办陆军军官学校，由孙中山任命蒋介石为筹备委员会委员长，以黄埔长洲岛原广东陆海军学校为校址，所以又称为黄埔军校。

黄埔军校，是蒋介石发迹的地方。他出任黄埔军校校长后，经常向学生进行“精神训话”，一面大谈俄国革命的经验，歌颂布尔什维克党的精神，高喊“打倒帝国主义”、“打倒军阀”等革命口号，表现了一个十足的“左派”；一面又十分推崇镇压太平天国的刽子手曾国藩、胡林翼的治兵术，编辑印发大量的《曾胡治兵语录》作为军校学生的必修读物，企图把学生训练成为象湘军忠于曾国藩那样忠于自己的军官。他在军校也遵照孙中山的命令，着手建立党军，为平定商团叛乱、两次东征、平定杨刘叛乱、统一广东革命根据地奠定了基础；同时，又支持孙文主义学会反对青年军人联合会，限制共产党人在军校、军队里的革命活动，最终取消军人联合会。后来，他为防止共产党人在军校、军

民国纪元前十年，清光绪二十八年，

壬寅(西历一九〇二)，公十六岁。

是年 毛思诚授徒于岩头故庐，公往从温习左传，圈点纲鉴。其戏嬉也，以讲舍为舞台，以同学为玩物，狂态不可一世。逾伏案读书，或握管构思，虽百纷嚣然于其侧，冥无所觉，一刹那间，静躁如出两人，思诚深异焉。

夏 公闻举行童子试，好奇心动，乘兴往赴，亲历场规苛辱，痛诋满清贱视士子，养成腐惰卑污之习。旋闻袁世凯奏废科举，兴学校，则大快。

五月 清廷任袁世凯为直隶总督。

民国纪元前九年，清光绪二十九年，

癸卯(西历一九〇三)，公十七岁。

是年 公始入县城凤麓学校，习英文、算术，受新式教育。因改良校务问题，同学推公言诸当事者，公立应，盛气趋前，情态激烈。校董凌某怒，欲除其学籍，送官惩戒，以同学抗拒得免。是时学校课目仍重经史，竺麟祥〔清翰林〕主讲礼记历史，周凤祺主讲周礼。

十一月 清廷设练兵处，以徐世昌为提调，段祺瑞为军令司正使，王士珍为军学司正使，北洋军阀始盛。

十二月 日本因俄兵入据奉天，正式宣战，清廷通告局外中立。

民国纪元前八年，清光绪三十年，

甲辰（西历一九〇四），公十八岁。

是年 鄞县顾清廉讲学于郡城箭金学堂〔在城北西河沿文昌阁〕，公从之游。尝谓吾国载籍之繁富，学术渊源之广远，略涉其涯涘，以及通晓读书法，窥见汉文门径，皆顾先生一手陶成之。清廉治性理学，平日诲弟子，务变化其人气质，察公器识不凡，奖勉益至。日夕讲经之余，又以周秦诸子、说文解字及曾文正集授之，并勸公读孙子，习知兵法，以备捍卫国家。尤喜纵谈国闻，时称道总理名。并谓青年欲大成求新，当出洋留学异邦。公默识向往，乃始发愤奋志于革命事业。

三月 公兄锡侯补奉化县学附生。

春 总理由日本抵檀香山，寻赴美洲，所至鼓吹革命，始与黄兴等联络。著论文曰《中国问题之真解决》，为本党最初对外宣言。

民国纪元前七年，清光绪三十一年，

乙巳（西历一九〇五），公十九岁。

正月 公入龙津中学，因受内外潮流之激荡，感痛国族之凌夷，家庭之软弱。〔乡有无主滞粮，县官令甲首中户摊赔，公家与焉，庄书喉里猜故加苛派，差役票传公到案，勒迫承认。王太夫人以为奇辱。而公愤恨贪官污吏、土豪劣绅，思图社会革命，动机于此矣。〕在校未三月，即决计出洋，以自寻其出路。当时风气未开，亲属及戚旧多来沮尼，甚至有泣下者，王太夫人虽不忍孤儿远离膝下，卒以公志难回，遂妥为资遣。四月间，东渡日本，拟学习陆军，以例须由本国陆军部保送，乃改入清华学校。在东京结识陈其美，即因介往见总理于宫崎寅藏家中，并广交中

国在东志士，是为公参加革命运动之始。

三月 公外王母姚太夫人卒。〔公有《外王父母传》曰：外王父品裔王公，讳有则，岷邑葛溪人。幼而敏学，精研诗礼，长弃举业，远游四方，体格魁梧，风范雍容，远近之人无论知与不知，望而识其为葛溪王先生也，其为世向慕如此。太平天国既亡，公痛民族之沉沦，里居郁郁不乐，乃游皖南与浙西，至安吉、孝丰，招集流亡，经营垦殖。居数年，田日辟，产日富，方数十里皆公壤也。公以其闲疏河渠，开道路，办保甲，阴以兵法部勒其人，赏罚黜陟，秩然而不犯，一方以安，人至今诵德不衰。公虽富而治其家以勤俭，教养子女以礼义廉耻之节，尤谨于女教，先妣王太夫人，通诗书，工女红，独得外王父母钟爱。及归吾家，一以外王父之法度，庀其家事，中正九岁，而先考肃庵公即世，先妣食贫自守，抚其遗孤，以至于成人。盖先妣之大节与所以教中正者，得于外王父母为多云。中正幼年，先妣王太夫人尝以古磁玉器示中正曰，此外王父之所遗也，外王父购自远方，独以赐予，当珍藏之。又告中正曰，外王父平生喜渔猎，钓无不获，弋无不中，网兽田猎，老而弥擅其能，盖其聪明才力有以大过人者也。公晚年归老于乡，斥其资财，以开奉岷通道，披荆棘，刊山谷，通津梁，葺路蓝缕，以迄于藏事，皆公之力也。夫善居积者，往往聚而不能散，故曰为富不仁矣。以其身致之之难，思以貽其子孙，又未尝教以礼义，以成今日民族骄傲之风，乃至国弱民困而不可收拾。求一治公如治私，治乡如治军，勇于为义，不惮险远，不见用于世，则以礼义廉耻之教，修于家人父子之间，如我外王父者，岂非古之贤者哉。中正自其幼时，先妣王太夫人则举公之言及其行事以诏中正。去年冬卸职归里，展谒外王父母之墓庐，及浏览王氏之谱牒，钦其世德，追维母教，不胜诗人鲜氏之痛。今在军中，痾病少瘥，又值先妣王太夫人逝世十一周年之日，伏枕撰次公之行义，以为公传，亦以见中正有立于世者，其来有自也。公生于嘉庆二十五年五月初七日，殁于光绪八

年四月十二日，享年六十有三岁。原配姚太夫人，生子三，贤候、贤宰、贤达，女一，适石门单氏。继配姚太夫人，生子二，贤巨、贤裕，女一，即我先妣慈庵王太夫人也。中华民国二十一年六月十三日，外孙蒋中正谨撰于庐山牯牛岭。中正九岁而孤，逾岁而母弟瑞青又殇，当是时，先妣王太夫人哀痛之情，童稚如中正，固不得尽识其苦，然犹能领悟其一二，乃至终身不能忘。盖先妣之苦节，与中正之孤露，有非他人所能想像及之。而于是时，与之共居处同休戚，朝夕保育，而慰藉之者，惟我外王母姚太夫人一人而已。外王母嵊县欢潭姚氏培松公女，归我外王父品斋王先生，生吾四母舅贤巨、五母舅贤裕及先妣王太夫人。外王母性娴静，仪容温厚，接之蔼如，与人慈爱，持家勤俭，教子女有法度，而于先妣与中正爱护尤笃。外王母老而康强，先妣每岁必迎外王母至吾家，恒累月留，中正课余假归，侍外王母与先妣于冬日爱堂中，中正读，先妣织，外王母念佛，机声梵音，与书句相间如唱和，此情此景，仿佛犹在目前。中正年十三，从姚宗元先生，馆于外氏，外王母时其寒温，谨其饮食，考其学业，循循而善诱，故不肖之孤，远离膝下，而先妣无姑息之爱者，以有外王母在也。夫世之贤母多矣，然其贤大抵止于其子，或及其孙，未有施及外孙，如我外王母者也。凡教其子孙者，大抵望其富贵，以褒显父祖为门户光而已，亦未有教以德义，勸其志在四方，如我外王母者也。外王母以清道光十七年，丁酉五月初八日生，卒于光绪三十一年乙巳三月十三日，享年六十九岁。外王母歿，先妣之恸尤甚，中正时年十六，先妣每顾而叹曰，吾为未亡人，今母又逝，吾大事毕矣。然儿未成人，吾其忍死须臾，以待乎。呜呼，先妣之丧，子今亦十有二年矣，外王母与先妣之教，犹在吾耳，而国事日艰，外侮益亟，中正德不加进，业不加修，以不肖之身，负党国付托之重，寄天下安危之责，如此，夙兴夜寐，将何以副外王母之教，以无忝子所生，每一念至，未尝不汗下沾襟也。军中追维旧事，谨次为传，聊以述外王母之恩勤，而

福中正蹉跎之过，以自微教云尔。二十一年十一月八日，外孙蒋中正谨撰了。

冬 公妹瑞莲出阁，王太夫人召公归，襄办嫁事。

是年 日俄战事终，日海陆军皆大胜。清廷动于立宪之说。八月二十六日，派五大臣〔载泽、戴鸿慈、徐世昌、端方、绍英〕出洋考察宪政，吴樾在正阳门车站投炸弹，未中，死之。

七月 总理由欧洲抵日本东京，黄兴、宋教仁等齐集富士见楼欢迎。旋议组织团体，遂于是月三十日，创立中国同盟会。〔十月二十一日，是会发行民报，宣扬三民主义，越四年，为日政府封禁。〕

民国纪元前六年，清光绪三十二年，

丙午（西历一九〇六），公二十岁。

是年 公入陆军部全国陆军速成学堂，即保定军官学堂是也。先是各省督练公所招生甄试，浙省额六十名，报考者千余人，除武备弁目等校保送外，仅余十四名，公获取列。逾举行入学试验，公适患病，幸亦及格，遂得进校肄业。尔时汉满畛域甚明，同队中惟公无辫，满人愈益注目，公亦时加警惕，深自韬晦。一日，日本军医教官于讲授卫生学时，拈取一立方寸之土置案上，谓学生曰：这一块土，约一立方寸，计可容四万万微生虫。已复曰：这一立方寸之土，好比中国一国，中国有四万万人，好比微生虫寄生在这土里一样。公闻而愤不可遏，乃驰至讲台前，将土碎为八块，瞋目还问之曰：日本有五千万人，是否亦像五千万微生虫，寄生这八分之一之立方寸土中。日本教官出不意。有顷，指公秃顶大声叱曰：你是否革命党？公忿然曰，只问你譬喻对不对，不要问这题外事。日本教官无可置喙，立即报告总办赵理泰，请予严惩。赵氏知曲在日本教官，仅转令监督曲同丰训斥了事。〔陆军学堂法规，凡反对教官，轻则除名回籍，重则监禁治罪。〕

是年终，陆军部就本堂考选留日陆军学生，公以非日文 斑 不得与，憾甚！乃上书自述曩曾研读日文，请准一体收录，赵总办允之，深夜有人提灯传知，公从睡梦惊觉，喜出望外。待晓随场应试，各科均及格，明春送往日本学习陆军，而公之唯一志愿成矣。

七月 清廷宣布豫〔预〕备立宪。

是岁 总理在日本鼓吹革命甚力，留学生加入同盟会者激增，清廷患之，乃要求日政府迫令出境。

民国纪元前五年，清光绪三十三年，

丁未（西历一九〇七），公二十一岁。

春 公入振武学校肄业。〔校在东京牛込区，陆军部遣送学生留日本学习陆军，例须先入振武学校三年，毕业后，再入联队为士官候补生。〕

公由陈其美介绍，加入同盟会。其时日政府承清廷意旨，取締留学生极严厉，然公每逢星期日，必聚集党中同志，密会一次，筹议革命机务，而以江浙籍党员为多。常与苏曼殊、张恭、章梓等，痛谈鞑奴入主中华二百六十余年，如何压迫我汉族，如何丧权失地于列强，无不为之发指。

正月二十日 总理赴安南，设机关于河内，进行第三次革命，发动潮州黄冈之师，为潮州镇兵击败。

四月二十二日 总理进行第四次革命，命邓子瑜等举义于惠州七女湖，旋以清军各路影响却走。

五月 徐锡麟在皖，秋瑾在浙，并以起事遇害。

七月二十七日 总理进行第五次革命，命王和顺等起义于钦州王光山，破防城，围灵山，不克。

十月二十六日 总理进行第六次革命，命黄明堂等举义于镇南关，旋以饷匱弹罄，退入安南。

民国纪元前四年，清光绪三十四年，
戊申（西历一九〇八），公二十二岁。

公肄业振武学校，大半光阴皆消耗于奔走革命，联络同志，与竺绍康〔时绍康因秋案通缉亡命日本〕过从尤密。绍康为述徐锡麟之死，实陶成章逼成，否则其所成就，当不止此。公始悟陶与龚未生常谓徐有帝王思想，意殊叵测。陈其美亦以陶自南洋回日，因少数经济关系，极诋孙先生，掀起党潮，是诚可憾。公遂鄙陶革命人格。当时会中诸同志闻镇南关、钦州、河口等处，迭起举义之师，或奋袂请行，或倾囊输助，革命点高沸。而公以学习陆军，期望远大，不令回国参加战役，惟自去年以来，每遇暑假，必告归省亲，乃淹留沪上，与诸同志集会，秘谋扩大党势，从事于排满运动。公见邹容革命军一书，酷嗜之，晨夕览诵，寢则怀抱，梦寐间如与晤言，相将提戈逐杀鞑奴。其醉心民族主义如此。〔清光绪二十九年，上海苏报案发生，容下狱死。〕

十二月 公兄锡侯毕业四明法政专门学堂。

是年二月二十五日 总理进行第七次革命，令黄兴集众攻夺钦州马笃山，转战获胜，旋以势孤弹尽，乃下令解散。

三月二十九日 总理进行第八次革命，黄明堂等举义于云南河口，以敌援麇至，率众退入安南。

十月 清德宗与西太后那拉氏，相继隔夕殁，溥仪嗣位〔仅三岁，年号宣统〕，醇亲王载沣摄政。

十一月 清廷开袁世凯缺，命回原籍养病。

民国纪元前三年，清宣统元年，

己酉(西历一九〇九)，公二十三岁。

是年冬 公卒業振武学校。〔时在明治四十三年十一月二十五日，清国陆军学生监理委员长，陆军中 将男爵福嶋安正给证书。〕升入日本高田野炮兵第十三联队为士官候补生。联队长飞松宽吾，团长外冈外史，对公甚 优 遇。其时天 气 洄寒，雪深丈余，朝操刷马，夕归刮靴，苦役一如新兵。尝奋然曰，将来与邻邦作战，情况当不止如今日而已，是固寻常，有何难耐者。故咬定牙根，事事争先，不自感觉其苦。而日本兵营阶级之严，待下之虐，与营内之整洁，皆于此亲见之。

三月 总理在星洲决定游欧，越月初一日启程，历法、比、英京城，至九月十七日，由伦敦赴美，

民国纪元前二年，清宣统二年，

庚戌(西历一九一〇)，公二十四岁。

三月十八日 巳时，子经国生。

十二月 竺绍康性行豪侠，公平日最所敬爱，至是卒于沪上，年三十四岁。公乃收抚其旧部，为之救济危难。^①

是年正月初三日，总理进行第九次革命，广州新军举义，事败，倪映典死之。

十二月 日本并吞朝鲜，设置总督。

①《民国十五年以前之蒋介石先生》书中在竺绍康卒之文中加注云：“绍康，浙江嵊县人，幼孤，长身陈准，音吐朗然，自少豪侠，斥私费结客。徐锡麟见而倾心，因与倡办大通学堂，隐实网罗同志，纠集魁杰，企图首倡革命。锡麟举义皖垣，绍康响应，浙吏捕之急，亡命海上，日与公及陈其美、张人杰等谋覆满清，比常患病，至是殁于沪垣，年三十四。”